



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL
PANELI ZGJEDHOR PËR ANKESA DHE PARASHTRESA
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

Anr.381/2025

PANELI ZGJEDHOR PËR ANKESA DHE PARASHTRESA (PZAP), në panelin e përbërë nga gjyqtarët: Kymete Kicaj kryesuese, Skender Çoçaj dhe Arsim Hamzaj anëtarë, duke vendosur përkitazi me ankesat e Subjektit Politik Partia Demokratike e Kosovës Lëvizja (PDK), me seli në Prishtinë, paraqitur kundër Subjektit Politik Lëvizja Vetëvendosje (LVV), me seli në Prishtinë, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, gjatë fushatës zgjedhore, për Zgjedhjet e Përgjithshme për Kuvendin e Republikës së Kosovës që do të mbahen më datë 09.02.2025, në seancën e panelit të mbajtur më datë 07.02.2025, merr këtë:

VE N D I M

Refuzohen e pabazuar ankesa Anr.381/2025 të datës 05.02.2025, e parashtruar nga Subjekti Politik Partia Demokratike e Kosovës (PDK), me seli në Prishtinë, paraqitur kundër Subjektit Politik Lëvizja Vetëvendosje (LVV), me seli në Prishtinë, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, gjatë fushatës zgjedhore, për Zgjedhjet e Përgjithshme për Kuvendin e Republikës së Kosovës që do të mbahen më datë 09.02.2025.

A r s y e t i m

Me datë 05.02.2025, PZAP-i, ka pranuar ankesën Anr.381/2025 nga Subjekti Politik Partia Demokratike (PDK), me të cilën pretendon se më 04 Shkurt 2025, rreth orës 15:07/h, në ambientet e jashtme të Ministrisë së Punëve të Brendshme, kandidati për deputet nga radhët e Lëvizjes Vetëvendosje - LVV, Xhelal Sveçla i njëjti mban postin e Ministrit, ka publikuar një video në rrjetin social Facebook, me tekst shoqërues “Këtë të premte me datë 07, në ora 19:00, takohemi në sheshin “Skënderbeu”, për të rikonfirmuar nga çdo cep i Kosovës mbështetjen për LVV, Kryeministrin tonë Albin Kurti dhe Qeverinë Kurti 3.Mirupafshim!# 118 Levizja Vetëvendosje! #1 Albin Kurti #500k”, e cila video është publikuar me qëllim të përfitimit të votave.

Sipas parashtruesit të ankesës, me këtë veprim kandidati për deputet nga radhët e LVV ka bërë shkelje të nenit 36, paragrafi 1 i Ligjit Nr.08/L-228 për Zgjedhjet e Përgjithshme në Republikën e Kosovës - LZP.

Më tutje në ankesë theksohet se përmes këtij veprimi, subjekti përkatës, ka cenuar rëndë dispozitat përkatëse ligjore. Andaj duke u mbështetur në bazën ligjore dhe argumentet e lartcekura, kërkojmë që masa e sanksionit të vendoset në përputhje me legjislacionin në fuqi.

Si provë parashtruesi i ankesës ka paraqitur postimin e publikuar në rrjetin Facebook, nga kandidati në fjalë e datës 04 Shkurt 2025 si dhe linkun: <https://www.facebook.com/100063788556625/videos/11399748475115571>:

Më datë 06.02.2025, PZAP-i, e njoftoi Subjektin Politik Levizja Vetëvendosje (LVV), për ankesën e parashtruar kundër tyre, duke i dërguar kërkesë për përgjigje.

Në përgjigjen në ankesë të Subjektit Politik LVV, thuhet se pretendimet në ankesa nuk qëndrojnë sepse në asnjë rrethane video me përshkrimin e publikuar nga Xhelal Sveçla nuk mund të provohet se është xhiruar në ambientin e objektit të Ministrisë së Punëve të Brendshme të Kosovës.

Më tej në përgjigje në ankesë Subjekti Politik LVV thekson se fotografia që i është bashkangjitur ankesë nga pala ankuese nuk mund të konstatohet se e njëjta është bërë në ambientet e Ministrisë së lartcekur por e njëjta është bërë në një hapësirë - parkingu për vetura. Andaj duke u bazuar në argumentet e përmendura dhe pas shqyrtimit të provave të parashtruar nga pala kërkojmë nga PZAP-i që ankesën ta refuzoj si të pa bazuar.

PZAP-i, pasi që shqyrtoj dhe vlerësoi ankesat gjeti se:

Ankesa është e pabazuara

Paneli me rastin e shikimit të shkresave të lëndës, vlerësoi se ankesa është e pabazuar pasi që nga fotografitë të cilat paraqitësi i ka bashkangjitur si dëshmi ankesës, nuk mund të vërtetohet se nga ana e Subjektit Politik LVV, është bërë shkelje e nenit 36 paragrafi 1 i Ligjit NR.08/L-228, për Zgjedhjet e Përgjithshme në Republikën e Kosovës, ku parashihet se *“personi i cili mban pozitë publike i zgjedhur apo i caktuar nuk mund të përdorë atë zyrë apo ndonjë nga pasurit e saj me qëllim të përfitimit të votave. Asnjë nga burimet e asnjë institucioni të administratës publike qoftë të nivelit qendror ose lokal ose edhe ndonjë ndër marrje në zotërim ose të kontrolluar nga autoritetet qendrore ose lokale nuk mund të shfrytëzohet ose të futen në mbështetje të ndonjë subjekti politik në zgjedhje”*

Nga fotografitë të cilat gjenden në shkresat e lëndës si dhe video e publikuar në rrjetin social, vërehet se është realizuar një video nga kandidati për deputeti Xhelal Sveçla, me përshkrimin e publikuar, por nuk është i argumentuar në asnjë moment në mënyrë të qartë dhe bindëse se e njëjta është bërë në ambientet e objektit të Ministrisë së Punëve të Brendshme të Kosovës, ashtu siç pretendohet nga pala ankuese, pasi që nga të gjitha fotografitë dhe video të dorëzuara si provë nuk mund të vërehet asnjë shenjë – simbol i ambientet të Ministrisë në fjalë.

Andaj duke u mbështetur në nenin 117.3 të LZP-së ku përcaktohet se: *“vendosja për ankesat nga PZAP-ja mbështetet në dëshmi të qarta dhe bindëse”*, Paneli vlerësoj se pretendimet e tilla janë të pa qëndrueshme dhe si të tilla i refuzoj, për faktin se nga

veprimet e përshkruara në ankesa dhe nga provat e ofruara si dëshmi parashtruesi i ankesës nuk ka arritur që të vërtetoj se këto veprime paraqesin shkelje të dispozitave të lartcekura të Rregullës Zgjedhore Nr.07/2024, dhe si të tilla të njëjtat i refuzoi si të pabazuara.

Nga arsyet e theksuar më lartë duke bazuar nenin 117 paragrafi 3, neni 118 paragrafi 1 të LZP-së, paneli vendosi si në dispozitiv të këtij vendimi.

Paneli Zgjedhor për Ankesa dhe Parashtresa

Anr.381/2025 më datën 07.02.2025

**Kryesuese e Panelit
Kymete Kicaj**



Këshilla Juridike: Kundër këtij vendimi është e lejuar ankesa sipas nenit 118 paragrafi 4 të LZP-së, në Gjykatën Supreme të Kosovës, brenda dyzet e tetë (48) orëve nga momenti i marrjes-pranimi të këtij vendimi.